

Ontmoeting 2

God sien jou raak; sien jy Hom?

Die voorspelling van Jesus se geboorte aan Maria – en Simeon se verhaal

Teks: Lukas 1:26–38, 42, 46–48; Lukas 2: 25–33

Hulpmiddels:

- Blinddoek raai: ‘n sak vol verskillende voorwerpe en ‘n blinddoek vir elke groepie
- Aanbieding: Groot bril met die woorde “Jesus sien my raak” aan die binnekant van die bril en “Sien jy vir Jesus raak?” aan die buitekant van die bril geplak
- Die patroon van die bril vir elke kind afgedruk op karton, inkleurkryte, skêre, gom, “staplers”, versierings vir die brille, stukkie gekleurde sellofaan
- Afskrifte van die “Voorspelling van Jesus se geboorte” vir elke kind wat kan lees



Welkom

My klein ogie sien (“I spy with my little eye”):

Speel “My klein ogies sien... “ met kleure of met die eerste letter van die woord wat jy wil hê die ander moet raai. Bv. “My klein ogies sien... iets wat groen is.” Almal raai dan goed wat hulle kan sien wat groen is, totdat hulle reg raai.

Blinddoek raai:

Sit verskillende artikels in ‘n sak. Elkeen in die groepie kry ‘n beurt om geblinddoek in die sak te voel en dan ‘n artikel uit te haal. Hy/sy moet dan raai wat dit is deur net daaraan te voel.



Wyding

Stilword-ritueel:

Gebed: Die leier bid elke keer ‘n sinnetjie en die groep herhaal dit saam:

Dankie Heer, vir hierdie dag.

Dankie dat die Bybel vir my sê dat U my liefhet.

Dankie dat U mens geword en vir ons die pad kom loop het.

Help ons om U ook te volg...

...soos ons nou in die gebed ons leier gevolg het.

Amen



Woord

Die Zoeloes groet mekaar met die woorde “Sawubona” wat beteken “Ek sien jou.” Wanneer hulle dit vir mekaar sê, beteken dit: ek sien jou raak; jy het waarde; jy is spesiaal; ek dink jy is belangrik en waardevol. Kom ons groet mekaar op hierdie manier. (Almal loop rond en groet mekaar met die woorde “Sawubona”.)

Kan julle onthou wat h voorspelling is? Watter belangrike gebeurtenis word in die Ou Testament voorspel en gaan gebeur? (Gee geleentheid vir terugvoer oor verlede keer se ontmoeting.) Vandag gaan ons luister na twee verhale wat afspeel in die tyd waarin Jesus gebore is.

Vra die vraag “Hoekom gebruik h mens h BRIL?” en laat die kinders antwoord. Laat iemand wat bril dra, vertel watter verskil die bril maak. Haal die bril uit h tas of sak. Dit moet baie groot wees. Aan die binnekant moet daar geskryf staan “Jesus sien my raak” en aan die buitekant “Sien jy vir Jesus?” Hierdie bril herinner ons vandag aan twee stories in die Bybel. Die eerste verhaal is die storie van hoe God iemand raaksien en gebruik. Die tweede verhaal is h storie waarin iemand Jesus raaksien en herken.

Wys die kant van die bril waarop staan “Jesus sien my raak” en laat h kind dit lees. Lees nou die Bybelverhaal oor die voorspelling van Jesus se geboorte aan Maria in Lukas 1:26–38 (uit die Bybel@Kinders):

“Toe Elisabet 6 maande swanger was, het God die engel Gabriël na Nasaret toe gestuur. Dit is h dorp in Galilea. Hy moes met h jongmeisie gaan praat wat daar gebly het. Haar naam was Maria. Sy was verloof aan Josef, h man uit koning Dawid se familie. Toe Gabriël by Maria kom, sê hy: ‘Goeiedag. Ek het goeie nuus vir jou: die Here is by jou!’ Maria het groot geskrik. ‘Wat is aan die gang?’ het sy gewonder. Die engel sê vir haar: ‘Moenie bang wees nie. God is goed vir jou. Jy sal binnekort h seun hê. Jy moet Hom Jesus noem. Hy sal baie belangrik wees. Hy sal die Seun van die Allerhoogste God genoem word. Hy sal vir altyd Koning wees oor die mense van Israel.’ Maria sê toe vir Gabriël: ‘Hoe kan so iets gebeur? Ek is nog nie getroud nie.’ Toe sê Gabriël: ‘Die Heilige Gees sal sorg dat jy h Kindjie kry. Die Allerhoogste se krag sal jou laat verwag. Hierdie Kind van jou sal die Seun van God genoem word.’ ‘Ek het nog goeie nuus vir jou,’ sê Gabriël. ‘Elisabet, h familielid van jou, verwag ook. Sy is al oud. Maar sy sal een van die dae h seun hê. Sy verwag nou al 6 maande lank. God kan enigiets doen.’ Toe sê Maria: ‘My lewe is in die Here se hand. Dit wat Hy wil hê, moet met my gebeur.’ Hierna het Gabriël weggegaan.”

Neem weer die bril en verduidelik dat ons somtyds mekaar nie raaksien nie. Jy voel soms alleen of onbelangrik. Dalk dink jy, jy is nie goed genoeg nie. Of jy dink jy is nog te jonk om vir God te werk. Dit is presies hoe Maria gevoel het. Maar God het anders na haar gekyk. Hy het h bril van liefde. Hy sien jou raak vir wie jy regtig is. Hy het vir Maria gekies om die belangrikste vrou in die Bybel te word, al was sy jonk, arm en onbelangrik. Ek wonder hoe Maria gevoel het toe sy hoor dat God haar gekies het om hierdie baie belangrike werk te doen om Jesus se mamma te wees! Maria se niggie, Elisabet, sê ook vir haar die volgende: “Maria, jy is die gelukkigste vrou op aarde. Jy is gekies vir h baie spesiale werk. Jy gaan die ma van h baie belangrike Kind wees.” (Lukas 1:42, Die Bybel@Kinders)

En daarna sing Maria h lied oor wat gebeur het (in vers 46–48).

“Ek maak die Naam van die Here groot. Ek juig oor God. Hy is my Redder. Ek is glad nie belangrik nie, ek is maar een van God se diensmeisies; tog het Hy my raakgesien. Van nou af sal my naam op almal se lippe wees. Alle geslagte sal sê dat ek die gelukkigste vrou op die aarde is.” (Lukas 1:46–48 – Die Boodskap)

Laat al die kinders met hul vingers denkbeeldige brillettjies maak en voor hul oë hou. Laat hulle agter jou aan herhaal: “Ek is die gelukkigste kind op aarde, want God sien my raak en ek is belangrik vir Hom.”

Hulle kan dit dan ook vir mekaar herhaal: “Jy is die....”

Nou word die groot bril omgedraai sodat die woorde “Sien jy vir Jesus?” wys. Laat h kind die woorde lees.

Jesus se ouers, Maria en Josef, neem die babatjie Jesus na die tempel in Jerusalem om Hom aan God te wy. En daar ontmoet hulle vir Simeon. Simeon is h verrimpelde, stokou man met h droom in sy hart. Hy ken die Ou Testament se voorspellings dat daar h Verlosser gebore gaan word. Hy kan nie wag om Hom te ontmoet nie. En God belowe aan Simeon dat hy beslis nie sal sterf voordat hy die Messias, Jesus, gesien het nie.

Vertel die verhaal van Simeon (Soos in Lukas 2:25–33).

Verduidelik vooraf dat die kinders elke keer as hulle “uitgesien”, “gesien” of “oë” hoor, hulle die denkbeeldige brillettjies met hulle vingers voor hul oë moet maak.

Antwoorde: vers 25 (uitgesien), vers 26 (gesien), vers 30 (oë), vers 30 (gesien), vers 31 (oë).

Die bril herinner ons aan hierdie 2 stories. Die een kant van die bril (binnekant) herinner jou dat God jou raaksien, net soos met Maria. Hy het jou lief en Hy kies jou. Hy kyk na jou met h bril van liefde.

Die ander kant van die bril (buitekant) herinner jou aan die storie van Simeon, wat Jesus raakgesien het. Net so word jy genooi om Jesus raak te sien en Hom lief te hê. Jy kan ook met h bril van liefde kyk.

Kinders kry tyd om oor die verhaal te dink:



1. Ek wonder van watter deel van die verhale het jy die meeste gehou.
2. Ek wonder wie jy in die verhaal sou wou wees.
3. Ek wonder waar jy vir Jesus elke dag raaksien.



Werskaf

- Maak h bril: Maak h afskrif van die patroon vir elke kind om h bril mee te maak en te versier. Laat hulle dit gebruik om die boodskap vas te lê: Jesus sien my raak. Sien jy vir Jesus?
- Werkkaart (Voorspelling van Jesus se geboorte): Maak h afskrif van die werkkaart vir elke kind (wat al maklik kan lees). Laat hulle die storie lees en die prentjies inkleur.

Sluit af met die seënbede



Die Voorspelling van Jesus se Geboorte

Meer as **2** duisend jaar gelede het God die  Gabriël gestuur na  , 'n jong meisie in

die  Nasaret. Gabriël het vir  gesê dat sy 'n  gaan kry. Hy sal die Seun

van God wees en Sy Naam sal Jesus wees.  is toe getroud met haar verloofde,  , 'n

timmerman. Die  het ook vir hom gesê dat  se  die Verlosser sal wees.



Al die mense in die land moes getel word.  en  moes na 

toe gaan om getel te word. Al die  was vol mense. Hulle kon net plek in 'n

 kry. Die  Jesus is toe in die  gebore.  het Hom in 'n  laat

slaap.

Daardie nag het 'n  verskyn aan  wat daar naby in die veld hulle 

opgepas het. Die  het vir hulle gesê dat die  Jesus gebore is. Skielik was daar

'n klomp  rondom hulle wat God geprys het: "Eer aan God in die hoogste hemel en

vrede op  vir die mense!" Die  het dadelik na 

toe gegaan om die  te gaan soek. Die  het vir almal van die  Jesus

vertel. Later het  'n  gevolg na die plek toe waar Jesus was. Hulle het Hom

aanbid en kosbare  vir Hom gegee.

Alles het gebeur soos die  dit voorspel het.